



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Qvæstionvm Regvlarivm R. admodum P.
Emanuelis Roderici Lusitani, S. T. Lectoris Prou. S. Iacobi
Reg. Obseru. Ordin. Mino. Diffinitoris**

Rodrigues, Manuel

Lvgdvni, 1621

Priuilegium.

urn:nbn:de:hbz:466:1-41743

PRÆSCRIPTIO. 345

Multa pulchra omnibus communia habet Author de conditionibus requisitis in Prælato; *in sequentibus, & tom. 2. q. 4. & 5. usque ad 44. inclusivè.* Vbi de correctione Fratrum, visitatione, inquisitione, & similibus agitur.

PRÆSCRIPTIO.

Præscriptio quadraginta annorum cum titulo & bona fide valet contra Ecclesiam; sed contra curiam Romanam requiritur decursus centum annorum. Quod ex privilegio *Eugenij I V. & Pij V.* extenditur ad Monasteria. *tom. 1. q. 36. art. 3. & tom. 3. q. 35. art. 2.*

Monasteria præscriptione transacta possunt etiam usque ad quatuor annos repetere restitutionem in integrum. *tom. 3. q. 35. art. 3.*

PRIVILEGIA.

Vide Absolvere, Confirmatio privilegiorum, Confessarij, Communicatio privilegiorum, Episcopus, Eremita, Exemptio, Excommunicare, Oblatus, Oraculum, Tertiary, Procurator.

Y 4

Plu

PLura habet author de priuilegiis, tom. 1. q. 7. 8. & 9.

Priuilegium communiter mare magnum dictum, est compilatio multorum priuilegiorum ibi mixtim, confuséque contentorum, unicuique Ordini à diuersis Pontificibus concessorum. Mare magnum Fratrum Minorum incipit: *Regimini uniuersalis Ecclesie*; Fratrum Prædicatorum; *In nomine Domini*; Augustiniensium: *Dum fructus uberes*; Carmelitarum: *Dum attentæ*; Minorum: *Dum ad sacrum*. tom. 1. q. 7. art. 4.

Priuilegia Regularium non perduntur nisi per non usum 60. annorum, quemadmodum nec eorum bona præscribuntur ante 60. annos art. 3.

Imò non amittitur priuilegium per non usum 60. annorum, nisi utentes habeant scientiam illius, & voluntatem non utendi. art. 4.

Perdito priuilegio per non usum Religioni cui primo fuit cōcessum, non ideo perditur Religioni dicto priuilegio communicanti adinstar, si interim illo usa fuerit. art. 5.

Gene.

Generales Ordinum, Capitulum generale, & omnes Prælati habentes auctoritatem Apostolicam possunt tollere Guardianis, & aliis Fratribus, usum priuilegiorum. Imò Capitulum generale, ut pote totum Ordinem representans, id potest absque auctoritate Apostolica: nam liberum est cuique suo priuilegio renunciare. *quæst. 9. art. 2. Vide Oraculum vanae vocis, & Exemptio.*

De reuocatione & perditione priuilegiorum multa habet. *art. 3. 4. 5. 6. 7. 8. 9. 10. & 11.*

Priuilegium Papæ impetratum à singulari Fratrem contra statuta sui Ordinis nullum est, ex *declar. Leon. X. & multorum Pont. 9. 10. art. 5.*

Quomodo & quâdo priuilegia amittantur, *vide to. 3. q. 51. ar. 5. 6. & 7.*

Priuilegia cõcessa Abbati, nõ extenduntur ad Cõmendatarium etiam perpetuum, licet sit in aliquibus verus Prælatus. Nec etiam priuilegia concessa cõmunitati, ad singulares personas eiusdem; nisi talia sint, ut non nisi per singulares personas exerceri possint, ut sunt concernentia prædicationes, confessiones, &c. *art. 10.*

Priuilegia indulta singularibus Monachis extenduntur etiam ad Generales, Prouinciales, & Abbates, qui in fauorabilibus sunt verè Monachi & Religiosi, licèt non in odiosis. *art. 11.*

Priuilegiis collatis iam professis, non gaudent Nouitij, nisi expressè id sonent, vt sunt indulgentiæ & absolutiones. *art. 12.*

PROCESSIO.

Regulares, qui in strictiori clausura non viuunt, vocati ad Processiones publicas, ire tenentur, & ad id ab Episcopo compelli possunt. *tom. 3. q. 36. art. 1.*

Non tamen tenentur, nisi publicæ sint, & pro re graui, & nisi prius vocentur. *ibid.*

Neque si eorum Conuentus ultra vnum miliare distent à ciuitate, tenentur ire, quamuis ab Episcopo vocentur. ex priuilegio *Leon. X. ar. 2.*

Imò Iesuitæ ex priuilegio *Greg. XIII.* ratione studiorum exempti sunt ab obedientia circa Processiones Episcopis præstanda. Et hoc idem priuilegium habent Collegia Fratrum Mendicantium, tam ratione

com